



KOPI PAHIT

Ada orang bercetera kownnya di Singapura sekarang kalau orang yang ada isteri hendak kahwin lagi maka ia mesti mengambil *form* kepada Mahkamah Syariah dan akan diberi jawapan selama 14 hari. Juga diberitakan konon kalau orang ini hendak kahwin maka perlu pula dituntut mendapat persetujuan isteri yang tua. Kalau benar begini, orang-orang Islam hairan – rupanya hukum Islam diperkosa dan nampaknya secara tidak langsung orang-orang Islam telah dikenakan hukuman monogami (ertinya tidak boleh beristeri lebih daripada satu). Betul tidaknya, bagi tuan-tuan yang bertanya itu silalah tanya kepada orang Islam kita yang terkemuka dan berketanggungan dalam membuat undang-undang iaitu Peguam Agung Kerajaan, Encik Ahmad bin Ibrahim, kerana ia bukannya sahaja ahli undang-undang tetapi khabarnya ahli pula hukum agama Islam – *Wa Allāhu a'lam*.

* * *

Di Singapura telah diadakan peraduan membaca al-Qur'an peringkat akhir di Stadium Jalan besar kerana memilih calon johan bacaan al-Qur'an yang bakal dihantarkan ke Kuala Lumpur. Orang ramai berharap malam itu mendengar acara peraduan itu di radio Singapura, tetapi tidak ada. Kerana itu pendengar-pendengar Islam menyangka kerana ini perkara agama – tidak perlu sangat – tetapi kalau ia kebudayaan dan angklung tentunya lebih perlu daripada agama. Bagaimana pendapat bung Rahim Ishak? *Football* ada siaran serta-merta begitu juga malam-malam aneka warna – Hah! Hah!

* * *

Terlanjur berkisah tentang radio maka patut pula dingatkan, kalau perlu mau diingatkan bagaimana radio terhadap kepada siaran agama kurang benar perhatiannya. Kalau sandiwara, malam budaya dan...dan...terus berulang-ulang, tetapi kisah sejarah gubahan Buyong Adil

hanya didengarkan sekali sahaja. Tidak ada terdengar siaran ulangan? Orang bertanya: Mengapa...? Kerana ia kisah agama, *Wa Allāhu a'lam biṣṣawāb*.

* * *

Satu kisah lagi: Kerana ketika masa berbuka siaran-siaran radio bahagian India, maka apabila sampai berbuka puasa diberitahu *ngut ngut* lagu India pun berhenti. Kemudian dipersilakan membaca al-Fātiḥah, lalu dibunyikan kantung, kemudian disuarakan azan. Habis sahaja azan – sekali lagi *ngut ngut*. Setelah azan *ngut ngut* itu sakit benar telingā orang Islam mendengarnya. Tidaklah dapat A. Rahim Ishak menambah sedikit lagukah atau qasidahkah supaya jangan benar azan itu bererus dengan lagu-lagu yang terkadang-kadang berunsur Hindu.

* * *

Pak Abū terperanjat mendengar bahawa kerajaan Singapura yang mengemukakan Rang Undang-undang Islam tidak bertanggungjawab di atas terjemahan bahasa Melayunya. Ya! Begitulah negara kami Pak Abu! Khabarnya Naib Menteri yang mengemukakannya kepada majlis Islam Penaşıhat Kerajaan pun tidak tahu bahasa Inggeris. Jadi? *Wa Allāhu a'lam!* Begitulah Pak Abu di negaraku!

* * *

Tetapi yang lebih menghairankan pula akhbar Pak Abu dan akhbar Damak senyap sahaja. Mengapa ...T.S.T. Keadaan sekarang ya! Apakah yang ḥaqq itu sekarang tidak pahit lagi dan mesti dimaniskan sahaja?
Wa Allāhu a'lam!

* * *

Akhir al-kalam, kerana bulan baik dan hari baik serta menghadapi Hari Raya marilah kita bermaaf-maafan lahir lahir batin – *min al-'ā'idīn al-fā'izīn al-maqbūlīn*. Kalau dalam Hari Raya teringat-ingat doakan sahaja bersama supaya Allah memberi taufiq kepada mereka-mereka yang lupa daratan dan gelap mata lalu menjadikan dirinya tikus membaiki labu. Tuhan Yang Amat Berkusa kelak akan menghukum mereka-mereka yang mencabar agamanya dengan hukuman yang sewajarnya. Mari sama-sama kita lihat! Kalau tidak percaya tany